



«MOTTAKERNAVN»

«ADRESSE»

«POSTNR» «POSTSTED»

«KONTAKT»

Kontakt saksbehandlar

Einar Heegaard, 51568872

## Informasjon om oppstart verneprosess etter naturmangfaldlova, vestkysten av Karmøy

Statsforvaltaren i Rogaland vil med dette informere deg som grunneigar/rettshavar at vi startar opp verneprosess etter naturmangfaldlova for område Vestkyst Karmøy.

### Bakgrunn

Oppstart av vernearbeidet har bakgrunn i St.meld. 14 (2015-2016) Natur for livet, om bevaring av verdifull natur i Noreg. Arbeidet tar sikte på å dekke opp manglar ved eksisterande verneområde for trua landskap, naturtypar og artar. Tilsvarande verneprosessar skal føregå i ei rekke område over heile landet.

Miljødirektoratet har, på oppdrag frå Klima- og miljødepartementet, gjennomført ei omfattande nasjonal analyse av manglane ved eksisterande vern. Etter innspel frå Statsforvaltaren har mellom anna Vestkyst Karmøy blitt prioritert for vurdering av varig vern etter naturmangfaldlova. I brev av 10.06.2021 frå Miljødirektoratet fekk Statsforvaltaren i Rogaland i oppdrag å starte arbeidet med vern.

### Vestkyst Karmøy

Den etter måten smale kyststripa langs vestre Karmøy, frå Åkrasanden til Syre (unntatt viktige hamneområde) har naturverdiar av nasjonal og internasjonal verdi. Her er sanddynemark, strandberg, naturbeite og grunnmarin natur ut til 5 m djup; alt innafor eit rikt natur- og kulturlandskap. Det er minst 200 karplanter i terrenget; ei rekke av dei er trua og sterkt trua. Samstundes er det eit nasjonalt/internasjonalt viktig fugleområde gjennom heile året. Rogaland fylkeskommune har kartfesta det som eit "Nasjonalt viktig landskap», også med eit stort tall kulturminne. Det er eit regionalt svært viktige friluftsområde. Målsettinga med eit eventuelt vern er å best mogleg ta vare på dei store landskap-, kultur- og naturverdiane for ettertida, samstundes som dagens bruk kan halde fram utan å skade verdiane.

### Lovverk og prosess for vern etter naturmangfaldlova

Planlagt vern for Vestkyst Karmøy blei offentleg kunngjort i Haugesunds avis, 27. juni 2021. Prosessen med vern vil vidare følgje naturmangfaldlova § § 41 – 43, og i samsvar med



forvaltningslova sine sakshandsamingsreglar kap. IV – VI, og § 37. Eit vedtak om vern er etter desse reglane eit enkeltvedtak.

Naturmangfaldlova §§ 41 – 43 har omfattande krav til mellom anna tidleg informasjon til aktuelle grunneigarar, organisasjonar og offentlege instansar. Forvaltningslova § 17 krev også plikt til greie ut konsekvensane ved eit vern.

Likewise må kunnskapsgrunnlaget vere best mogleg, jf. naturmangfaldlova § 8. For deg som grunneigar/rettshavar inneber dette at vi gjennom heile prosessen vil vere open for foreløpige synspunkt og spørsmål om vernesaka og framdriftsplan for arbeidet.

Landskapsvern har som føremål å trygge natur- eller kulturlandskap av økologisk-, kulturell- eller opplevingsverdi på lang sikt. Ei framtidig verneforskrift vil mellom anna regulere tiltak som vesentleg kan endre det verna landskapet sitt særpreg eller karakter. Pågåande aktivitet og bruk kan normalt fortsette og utviklast innafor rammene av verneføremålet. Langs Vestkyst Karmøy vil dette også kunne medføre dei nærmaste grunnmarine areala. Vernet vil gjennom forskrift innebere konkrete råderettsinnskrenkingar for grunneigarar/rettshavarar, næringsinteresser og befolkning elles.

Grunneigarar/rettshavarar vil behalde grunneigarretten til eigedom.

Generelt sett vil eit vernearbeid etter naturmangfaldlova ta sikte på å unngå vern av mellom anna dyrka mark og private driftsbygningar, bustad- og hyttefelt, og viktige eksisterande næringsområde og infrastruktur.

Når det er etter kvart er utarbeida eit framlegg til kunnskapsgrunnlag, vernegrenser og vernereglar vil dette bli sendt ut på lokal og sentral høyring til deg og andre aktuelle partar, der vi ber om skriftlege uttalar på framlegget. I samband med høyringa vil vi også legge til rette for møte og synfaringar for dei som måtte ønske det.

Vedlagt kart er særst grovt og inneber ingen vernegrenser, men derimot utgangspunkt for undersøkingsområde for dei vidare kartleggingar som nå skal gjerast. Førebels er landskapsvern etter naturmangfaldlova § 36 den mest aktuelle verneforma.

Hausten 2021 og våren 2022 vil vi synfare det aktuelle verneområdet grundig for å innhente mest mogleg kunnskap om både verneverdiar, bruksinteresser og eventuelle konfliktar med vern. Lokal kunnskap både frå deg som grunneigar/rettshavar, og frå kommune, organisasjonar og andre, vil vere ein viktig del av dette.

Vi har hatt orienteringsmøte med kommunen om saka. Vidare tar vi sikte på å etablere ei rådgevings-gruppe for arbeidet, med deltakarar frå kommune, fylkeskommune, grunneigarar, grunneigar-organisasjonar, og interessegrupper.

Vidare formell prosess:

- Etter grundigare avklaring av verneverdiar, moglege vernegrenser og eventuelle brukskonfliktar, vil det bli avgjort om det skal utarbeidast framlegg til vernegrenser og verneforskrifter.
- Statsforvaltaren utarbeider så verneforslag med utkast til vernekategori, avgrensing og verneforskrift ut frå formålet med vernet. Dette skal kvalitetsikrast av Miljødirektoratet, før det blir sendt ut på lokal og sentral høyring til alle aktuelle partar. Statsforvaltaren vil samanfatte alle uttalar i høve, gjere naudsynte endringar av framlegget, og sende ei fagleg tilråding til Miljødirektoratet.
- Miljødirektoratet vurderer Statsforvaltaren si tilråding og utarbeider innstilling til Klima- og miljødepartementet med framlegg til verneforskrifter og avgrensing.
- Klima- og miljødepartementet samordnar saka med aktuelle departement og førebur saka for behandling i regjeringa.



- Vernevedtak av Kongen i statsråd gjennom kongeleg resolusjon

Spørsmål til vernesaka kan rettast til Einar Heegaard, epost: [fmroehe@statsforvalteren.no](mailto:fmroehe@statsforvalteren.no) eller Per Kristian Austbø, epost: [fmropka@statsforvalteren.no](mailto:fmropka@statsforvalteren.no) ; eller

Med helsing

Per Kristian Austbø  
ass. Fylkesmiljøvernsjef

Einar Heegaard  
seniorrådgjevar

*Dokumentet er elektronisk godkjent*

Vedlegg

1 Førebels kart for undersøkingsområdet supplerande vern, Vestkyst Karmøy